

**UDALBATZAK 2013KO URTARRILAREN 29AN EGINIKO OHIKO OSOKO
BILKURARI DAGOKION AKTA**

Errenteriako Udaletxean, bi mila hamahiruko urtarrilaren 29ko arratsaldeko 18:35 zirela, lehenengo deialdian eta Julen MENDOZA PEREZ alkate jaunaren esanetara, ondoko zinegotziak elkartu dira:

- Garazi LOPEZ DE ECHEZARRETA AUZMENDI (jakinarazten da 18:37an, 2. puntua ikusten ari zirela, etorri zela osoko bilkurara)
- Luis Maria DIEZ GABILONDO
- Miren Alazne KORTA ZULAIKA
- Unai UNSUAIN ELVIRA
- Iruñe BALENCIAGA ARRESE
- Jon TXASKO ORGILLES
- Asier MUJIKI ETXANIZ
- Maria RODRIGUEZ RODRIGUEZ
- Joaquin ACOSTA PACHECO
- Joseba ECHARTE MARTIN
- M^a Angeles MACHIN RODRIGUEZ
- Jose Angel RODRIGUEZ MEDINA
- M^a del Mar CARRILLO GASCON
- Isaac PALENCIA CABALLERO
- Maite PEÑA LOPEZ
- Jose Ignacio IRASTORZA GARCIA
- Marta BAREA JUARISTI
- Jose Manuel HERZOG DE BUSTOS
- M^a Angeles BASTOS FERNANDEZ
- Jose Manuel FERRADAS FREIJO

Bertan dago, egintzaz fede emateko, Begoña BUENO BARRANCO idazkariorde nagusia.

Era berean, bertan dago Txema ARENZANA GARCIA udal kontu-hartzailea.

1. Udalbatzak 2012ko urriaren 30ean eta azaroaren 27an eginiko ohiko osoko bilkurei dagozkien akten irakurketa eta onespena, bidezkoa bada.

Idazkariorde nagusiak 2012ko urriaren 30eko eta abenduaren 27ko ohiko osoko bilkurei zegozkion aktak irakurri ondoren.

Inolako aldaketarik egin gabe onartu dituzte.

2. Ondorengo ebazpenen berri ematea: Alkatetzarenak (2012ko 1140 zk.etik 1180 zk.era, biak barne, eta 2013ko 1 zk.etik 35 zk.era, biek barne), Zinegotzi-ordezkarienak (2012ko 1706 zk.etik 1738 zk.era, biak barne eta 2013ko 1 zk.etik 93 zk.era, biek barne) eta Tokiko Gobernu Batzordearenak.

Idazkariordeak ondorengo ebazpenen berri eman du: Alkatetzarenak (2012ko 1140 zk.etik 1180 zk.era, biak barne, eta 2013ko 1 zk.etik 35 zk.era, biek barne), Zinegotzi-ordezkarienak (2012ko 1706 zk.etik 1738 zk.era, biak barne eta 2013ko 1 zk.etik 93 zk.era, biek barne) eta Tokiko Gobernu Batzordearenak.

Udalbatza jakinaren gainean geratu da.

3. Proposamena: Alkatetzak 2013ko urtarrilaren 24an HERRIBUS, S.A.k "Errenteriako hiri-garraioa zerbitzua egiteko" kontratuzapena berrestea.

Idazkariorde nagusiak Alkatetzaren 2013ko urtarrilaren 24ko dekretua irakurri du. Honek, hitzez hitz, zera dio:

"2013ko urtarrilaren 16an amaitu da "HERRIBUS, S.A."rekin sinaturiko kontratua "Errenterian bidaiarientzako hiri garraioaren zerbitzu publikoa" emateko.

Juan Luis Gundín, Udaltzaingoko ofiziale buruzagiak gaiari buruzko txostena egin du.

Trafiko eta Garraio Batzordeak proposatu du urte batez luzatzea, hots, 2013ko urtarrilaren 16tik 2014ko urtarrilaren 15era.

Interesatuak bere adostasuna adierazi du.

Udal kontu-hartzaileak gaiari buruzko txostena egin du.

Baita Kontratazio eta Ondarea Saileko arduradunak ere.

Legeak ematen dizkidan eskumenak baliatuta,

E R A B A K I D U T

1.- "HERRIBUS, S.A."-rekin sinaturiko kontratua berritzea, "Errenterian bidaiarientzako hiri garraioaren zerbitzu publikoa" eman dadin. Beronen eragina 2013ko urtarrilaren 16tik 2014ko urtarrilaren 15era arte izango du, edo, hala

balegokio, kontratu berria sinatzen den arte, baldin eta, 2014ko urtarrilaren 15aren aurretik egiten bada hasierako kontratuan ezarri ziren baldintza berekin.

2. Bere horretan uztea bere garaian berme gisa ezarritako fidantza.

3.- Ebazpen hau berrestea Udalbatzak egingo duen lehen osoko bilkuran".

Udalbatzak, aho batez,

E R A B A K I D U

Berrestea Alkatetzak 2013ko urtarrilaren 24an, "Errenterian bidaiarientzako hiri garraioaren zerbitzu publikoa" emateko "HERRIBUS, S.A."rekin sinaturiko kontratua, akordio honen azalpen-zatian jasota geratu dena.

4. Proposamena: Errenteriako Hiri-garraio Publikoko Zerbitzuan Tarifen Integrazio-sistema ezartzeko bi Lankidetza-hitzarmen onartzea.

2010eko apirilaren 30ean Errenteriako Udaleko Udalbatzak Gipuzkoako Garraioaren Lurralde Agintaritza (GGLA) eratzeko asmoz egindako Lankidetza Hitzarmena sinatzea erabaki zuen.

Behin GGLA eratuta, 2011ko azaroaren 17an, GGLA Patzuergoaren Batzar Orokorrak "Gipuzkoako Lurralde Historikoko garraio publiko kolektiboan tarifak bateratzeko sistema ezartzeko Lankidetzarako Portokolo Orokorra" onetsi zuen.

Momento honetan, GGLA Patzuergoak aurkezten ditu bi Hitzarmen tarifak bateratzeko sistema ezartzeko, bata GGLA eta Errenteriako Udalak sinatzekoa, eta bestea GGLA eta garraio publiko zerbitzua betetzen duen Herribus, S.A.-k eta Errenteriako Udalak sinatu beharrekoa.

Udal Idazkariorde nagusiak eta Udaltzaingoko Ofizialburuak txostena egin dute 2013ko urtarrilaren 15ean bi Hitzarmenak onartzearen aldeko irizpena emanez.

Trafikoa eta Garraioa Batzordeak proposamena ikusitakoan.

Mintzatu dira:

* Rodriguez jaunak (Socialistas Vascos - Euskal

Sozialistak) esan du bere alderdiak ez duela akordio horren aurka ezer. Soilik esan nahi du Udala, erakunde gisa, dagoen leku guztietan saiatu behar dela hobariak bere horretan mantentzen, batez ere, Oinarrizko Diru-sarrerak kontzeptupeko guztietan. Alegia, gai guzti horien alde borroka egin behar dela.

Mintzaldiak amaitutakoan.

Udalbatzak, aho batez,

E R A B A K I D U

1.- Onartzea Gipuzkoako Lurralde Historikoko garraio publiko kolektiboan tarifak bateratzeko sistema ezartzeko Lankidetzarako Hitzarmena.

2.- Onartzea Erreterian Herribus S.A.-k betetzen duen bidaiarien garraio publiko zerbitzuan tarifak bateratzeko sistema ezartzeko Lankidetzarako Hitzarmena.

3.- Alkatea ahalmentzea, zuzenbidean bidezkoa den neurrian, bera ordezkatzuz Erretereriako Udalaren izenean aipatu bi Lankidetzarako Hitzarmenak sinatzeko, eta honako akordio hau eraginkorra izan dadin gauzatu beharreko egintzak gauzatu eta behar diren dokumentu publiko zein pribatu guztiak eman ditzan.

5. Kultura-ekipamenduen inguruko mozioa. Sozialistas Vascos - Euskal Sozialistak eta EAJ/PNV udal taldeek sinatua.

Idazkariordeak mozioa irakurri du. Honek hitzez hitz hauxe dio:

"MOZIOA, ERRETERIAKO KULTURA EKIPAMENDUEI BURUZKOA

Duela gutxi hainbat komunikabideen bidez jakin dugu Artelekuko Dantzagunea -egun Martutenen kokatua- antzinako Lekuona okindegira ekartzeko asmoa dagoela zentro hura, uholdeetan urak hartzen duelako, desagertzekoa delako.

Era berean, ezaguna da Udal Gobernuak Torrekua dorretxean udal aterpea egiteko asmoa duela.

Bi leku horiek aldaketa bat suposatzen dute lehen ekipamendu horietarako aurreikusita zegoenarekiko, izan ere, Lekuona okindegira Udal Liburutegia eramateko proiektua eginda zegoen, hain zuzen gisa horretan konponduko liratekeelako egun Madalena kalean dituzten arazoak. Bestalde, Torrekua dorretxean Euskal Traje-museoa jartzeko moduan eraberritua zegoen.

Guk, gure aldetik, positibotzat jotzen dugu Dantzagunea gure herrian jartzea. Haatik, hainbat galdera etortzen zaizkigu burura. Esaterako: orain

zer gertatuko da Liburutegiarekin? Zer egin nahi da horrekin? Eta Torrekua eta Traje-museoarekin? Eta Kapitainenea etxearekin? Eta zer Udalak Niessenek dituen 1.000 m²-rekin, egun artxibo modura erabiltzen direnekin?, etab...

Gure iritziz inbertsio eta proiektu ekonomiko hain garrantzitsuez oso gutxi, eta argitasun handiegirik gabe, hitz egin da modu ez ofizialean, hots, ez da hitz egin informazio-batzordeetan.

ADIERAZITAKOAN OINARRITURIK, BEHEAN SINATZEN DUGUN UDAL TALDEOK UDALBATZAREN OSOKO BILKURARI ONDOKO MOZIOA PLANTEATZEN DIOGU:

1. Gobernu Taldeari eskatzen diogu txostenak aurkezteko. Bertan jaso beharko litzateke Artelekuk, Euskal Traje-museoak, Udal liburutegiak eta aterpetxeak dituzten beharrak, baita aurreikusia eta inbertsioa beharrezkoa duen beste edozein kultura ekipamendu ere.

2. Gobernu Taldeari, era berean, eskatzen diogu kultura ekipamenduetan egin asmo dituen inbertsioen inguruan egin nahi diren aldaketekin proposamen bat egiteko.

Orobat txostenetan proiektuak banaka xehakatu eta zenbat denboraren barruan burutuko diren jasoko da, baita ere zenbatekoak izango diren egokitze-kostuak, mentenimendukoak eta aldaketa hauek kausituko dutenak.

3. Eskatzen diogu, halaber, aparteko batzorde bat egiteko, bertan gai-zerrendako puntu bakarra kultura ekipamenduak orokorrean aztertuko litzatekeelarik".

Ondoren, mintzatu dira:

* Herzog jaunak (PP) esan du egun horretako goiz horretan bertan egon dela Aldundian gai hori eramaten duen bere alderdiko batzarkiarekin eta hark ez du afera horri buruzko ideiarik ere. Bere alderdikideak deitu dio ea zer den kontu hau argitzeko eta berak ez dakiela erantzun behar izan dio. Bere aburuz hau ematen bada, Bilduren kudeaketa, bai Aldundian, bai Errenteriako Udalean, gainontzeko alderdi politikoekiko iluna izaten ari delako da. Izan ere, informazioa falta zaie, eta zera esaten dute: zer pasatzen ari da hemen? Orduan, bat besteari begiratzen diote. Hortaz, arren eskatzen dio Bilduri kudeatzeko garaian gardentasun pixka bat gehixeago izan dezan bai Aldundian, bai Errenteriako Udalean.

* Mendoza alkate jaunak (O.E. BILDU) esan du Aldundiko kontuan, hark erantzun beharko duela, Errenteriako Udalari dagokionean, ordea, uste du nahiko hitz egin dutela Bozeramaileen Batzordean. Bere iritziz, denek ulermen-puntu bat aurkitu dute, eta bere alderdiak hasieratik bertatik esan zuen horixe zela egin nahi zuen planteamentua. Besterik da -dio- horrekin bat etortzea. Haren esanetan lan dezente dago egiteko, eta prest daude herri honek zein soluziobide behar

dituen ikusteko egin beharreko azterlanak egiteko. Hortik aurrera, uste du, Bozeramaileen Batzordean gai horretaz hitz egin zela, eta, bere aburuz, alderdi guztiek bideratu dute.

* Rodriguez jaunak (Socialistas Vascos - Euskal Sozialistak) esan du ez zuela mintzatzeko asmorik, baina gustatuko litzaioke Alkateak Bozeramaileen Batzordeari eskaturiko diru-funts, etab.i buruz adierazitakoa Udalbatzari ere ezagutzera ematea.

* Mendoza alkate jaunak (O.E. BILDU) esan du Bozeramaileen Batzordean argi geratu zela. Berak ez du inolako arazorik han esan zuena hemen errepikatzeko, baina, berriro dio, argi geratu zela Alkatetzak gai honi buruz zer egiteko asmoa duen. Horrela, lan bat kontratatu dute herri honen kultura-ardatza etorkizunean zein izan behar duen jakiteko, eta lan horrekin alderdi guztiek zeuden ados. Planteatzen diren instalakuntza bakoitzaren zirkunstantziak baloratzeko behar diren txosten guztiak eskatu dituzte. Hortik aurrera -dio-, eurek prest agertu dira, eta horregatik emango dute aldeko bozka, Udalaren barruan instalakuntza horien jarraipena egiteko organo bat sortzeko. Haatik, ez du ulertzen zergatik, behin eta berriro, ateratzen duten kontu hau lehendik hitz egina dagoenean.

Mintzaldiak amaitutakoan.

Udalbatzak, aho batez,

E R A B A K I D U

Onartzea Socialistas Vascos-Euskal Sozialistak eta EAJ/PNV udal taldeek Errenteriako Kultura Ekipamenduei buruz aurkezturiko mozioa, akordio honen azalpen-zatian jasota geratu dena.

6.- Galdera-eskariak.

Ondorengo eskaria egin dituzte:

* Rodriguez jaunak (Socialistas Vascos - Euskal Sozialistak) esan du euren postontzian 2013ko Inauteriak ezartzen duen dokumentu bat aurkitu dutela -eskuetan du-. Bere iritziz, programa ofiziala da, baina hala den jakin nahi du, harren arabera egingo duelako gero galdera. Kulturako ordezkariak baiezkoa eman dioenez, esan du, programa ofiziala baldin bada, bi gauza egiten zaizkio deigarriak: bat, inon ez azaltzea erakundearen harmarria. Erakundearen programa bada, uste du, gutxienez harmarria agertu beharko lukeela. Bere

aburuz, Erakundearen irudia gauza guztien gaineratik egon behar du, eta kasu horretan ez dago. Bi, programaren zati batean zera esaten da: "urtarrilaren 24tik aurrera eta inauterietan zehar, herriko ostatueta eta kaleetan Oreretako pertsonaien erakusketa". Bere iritziz, hori akats bat izango da, "Errenteriako" jarri beharko zukeelako. Eta otsailaren 8rako -ostiral mehea- jendea mozorrazteko deia egiten da. Gaia: Orereta". Berrero berdin, herriaren izena Errenteria da, ez Orereta, nabarmendu du. Bere aburuz askotan ari dira ematen akats hauek, bestetan ere hitz egin izan dutena, eta ondorioz, uste du gauza hauek luparekin begiratu behar direla, gutxienez erakundearen irudia duintasunez present egoteko Udaleko departamentu ezberdinetatik irteten diren dokumentu guztietan.

* Balenciaga andreak (O.E. BILDU) erantzun du esanez Udala inauterietako programaren inguruan herriko elkarte eta arlo ezberdinetatik iristen zaien informazioa biltzera mugatzen dela, gero datu horiekin herritarrentzako programa bat egiteko. Harmarriari dagokionez, berriz, onartzen du akats bat izan dela, eta hortaz konturatu ez delako onartzen du kritika. Izenari dagokionez, ostera, programa motxagoa egin behar izan dutenez, orri batean bakarrik sartu ahal izateko murrizten saiatu dira. Bere iritziz, litekena da informazioren bat falta izatea, hots, jarduera nor antolatzen duen, etab., baina aitatu nahi zuen herriko elkarteetatik informazioa iristen zaien bezala saiatzen direla programan sartzen. Horregatik, elkarteren batek izena hori erabiltzea erabaki badu, berak hala nahi duelako, bera ez da sentitzen nor berori aldatzeko.

Mintzaldiak amaitutakoan.

Eta aztertu beharreko gai gehiagorik ez zegoenez, Alkateak bilkura amaitutzat eman du egun bereko 18:55 zirela. Eta aztertutakoa eta erabakitakoa jasota gera dadin Akta hau egin dut Erkidego Autonomoko paper ofizialean, _____zenbakitik _____ra, eta nirekin batera Alkateak sinatu du. Egiaztatzen dut.